

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 45. stav (1) i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), Plana korištenja sredstava posebne naknade za zaštitu i spašavanje za 2024. godinu broj: 02-11-3102/24 od 16.02.2024. godine i broj: 02-11-14171/24 od 09.08.2024. godine, na prijedlog Kantonalne uprave civilne zaštite, Vlada Zeničko-dobojskog kantona, na 45. sjednici, održanoj dana 06.09.2024. godine, donosi

ODLUKU

o usvajanju Programa utroška sredstava posebne naknade za zaštitu od prirodnih i drugih nesreća za 2024. godinu u Zeničko-dobojskom kantonu za nabavku građevina

Član 1. (Predmet)

(1) Usvaja se Program utroška sredstava posebne naknade za zaštitu od prirodnih i drugih nesreća za 2024. godinu u Zeničko-dobojskom kantonu, i čini sastavni dio ove Odluke.

(2) Utrošak sredstava vršit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, sredstva prikupljena po osnovu posebne naknade za zaštitu i spašavanje za 2024. godinu.

Član 2. (Način realizacije sredstava)

Sredstva planirana ovim Programom realizovat će se u isključivo skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnih aktima Vlade Kantona.

Član 3. (Realizacija Odluke)

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

Član 4. (Stupanje na snagu)

Odluka stupa na snagu danom donošenja i obajvit će se u „Službenim novinama Zeničko-dobojskog kantona“.

Broj: 02-11-15394/24

Datum, 06.09.2024. godine

Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x “Službene novine Zeničko-dobojskog kantona”,

1x a/a.

PROGRAM

utroška sredstava posebne naknade za zaštitu od prirodnih i drugih nesreća za 2024. godinu u Zeničko-dobojskom kantonu za nabavku građevina

Član 1. (Svrha programa)

Svrha programa jeste da se odobrena sredstva iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, sredstva prikupljena po osnovu posebne naknade za zaštitu i spašavanje za 2024. godinu iskoriste za jačanje kapaciteta svih sudionika u sistemu zaštite i spašavanja ljudi i materijalnih dobara od prirodnih i drugih nesreća na području Zeničko-dobojskog kantona, kao i da se obezbjedi adekvatan smještaj spasilačke opreme sa ciljem da se zaštititi od vanjskog uticaja radi zaštite od oštećenja.

Član 2. (Visina sredstava)

Visina sredstava utvrđenih ovim Programom iznosi 1.000.000,00 KM (slovima: milion konvertibilnih maraka).

Član 3. (Namjena sredstava)

Sredstva planirana ovim Programom će se trošiti sa ekonomskog koda 821200, pozicija „Nabavka građevina“ za nabavku, uređenje i adaptaciju skladišnog prostora za potrebe Kantonalne uprave civilne zaštite Zeničko-dobojskog Kantona, a sve u skladu sa usvojenim Planom korištenja sredstava posebne naknade za 2024. godinu broj: 02-11-3102/24 od 16.02.2024. godine, kao i Izmjenama i dopunama Plana korištenja sredstava posebne naknade za 2024. godinu broj: 02-11-14171/24 od 09.08.2024. godine

Član 4. (Izvor sredstava)

Izvor sredstava: Budžet Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), razdjel 14 - Kantonalna uprava civilne zaštite, budžetska organizacija 01, potrošačka jedinica 0001, sredstva ostvarena po osnovu prikupljene posebne naknade za zaštitu i spašavanje.

Član 5. (Kriteriji)

Kriteriji utroška sredstava: Kriteriji proizilaze iz Odluke o uslovima i načinu korištenja sredstava ostvarenih po osnovu naknade za zaštitu od prirodnih i drugih nesreća („Službene novine Federacije BiH“, broj: 4/12 i 80/13).

Član 6. (Korisnik sredstava)

Kategorija korisnika sredstava: Kantonalna uprava civilne zaštite Zeničko-dobojskog kantona i druge institucije u kantonu za koje se ukaže potreba korištenja skladišta.

Član 7.
(Izvještavanje o utrošku sredstava)

O utrošku sredstava po ovom Programu, Kantonalna uprava civilne zaštite dužna je polugodišnje izvještavati Vladu Zeničko-dobojskog kantona.

Član 8.
(Realizacija sredstava)

Za realizaciju sredstava po ovom Programu zadužuje se Kantonalna uprava civilne zaštite i Ministarstvo finansija, svako u okviru svojih nadležnosti.

Broj: 02-11-15394/24
Datum, 06.09.2024. godine
Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,
1x Ministarstvo finansija,
1x "Službene novine Zeničko-dobojskog kantona",
1x a/a.